

趙城縣廣勝寺



佛說母老六英經

敢

宋天竺三藏求那跋陀羅譯

佛為天尊功德巍巍愍念衆生為之傷悲時與弟子大士相追止處樂音廣有所開有一母人貧老偃偻長跪問佛五陰六衰會合我身悉為是誰來何所從去何所歸惟願世尊為我思惟佛言善哉宜識其幾諸法因緣識之者希譬如鑽火兩木相揩火不從鑽亦不從燧火出其間赫赫甚暉還燒其木木盡消微亦如捉鼓其音哀摧聲不從革亦不從提諸法如是因緣相推亦如天雨風雲雷電合會作雨不獨龍威諸法如是文亦如是譬如畫師調和彩色因素如畫无形不即皆湏緣合非獨一力母人聞經歡喜傾側即得法忍身不疲極阿難啓陳此何母人聞佛諸法生死所從心開意解即得道真

佛語阿難聽我所言前過去佛名曰拘樓秦尔時此母是我之親持戒行學慈開我身憂思不食一日之間緣

此恩愛五百世貧今我得佛万福皆臻衆生無量清淨佛前過六十億劫當得作佛号散婆國名多化劫名礼禪時人衣食如忉利天各壽一劫无有苦勤尔時母人天龍夜叉聞佛說法皆大歡喜八万七千人皆得正真道意礼佛而去

佛說母老六英經

解州夏縣如古鄉趙村王德并妻李氏同發虔誠謹持淨財大藏經板會下施銀二件餘貫奉為先王祖父祖母生身父母久遠宗親王男王孫新婦胡氏孫男乞僧傳氏伏願神遊華藏心悟真常修普賢六柱圓因契毗盧十身滿果發寶身家眷如意吉祥願四恩三友法界生靈同成佛果

乙亥十二月合釋謹誌 奉佛弟子王德施

佛說母老六英經

校勘記

- 一 底本，金藏廣勝寺本。
- 一 五四頁中一行「母老」，諸本作「老母女」。卷末經名同。
- 一 五四頁中二行首字「宋」，晉、南、經、清作「劉宋」。
- 一 五四頁中二行「三藏」，資、磧、晉、南、經、清作「三藏法師」。
- 一 五四頁中二行末字「譯」，南、經作「第三譯」。
- 一 五四頁中三行第三字「天」，資、磧、晉、南、經、清、麗作「世」。
- 一 五四頁中五行「偃樓」，石作「惛惛」。
- 一 五四頁中六行「會合」，石、資、磧、晉、南、經、清作「合會」。
- 一 五四頁中七行「惟願」，石、資、磧、晉、南、經、清作「母言」。
- 一 五四頁中八行「宜識其幾」，資、晉、南、經、清作「宜識其已」；磧作

「冥識其已」。

- 一 五四頁中一〇行末字「暉」，晉作「輝」。
- 一 五四頁中一一行第一一字「搥」，石、資、磧、晉、南、經、清作「搥」。
- 一 五四頁中一二行第一〇字「搥」，資、磧、晉、南、經、清作「椎」。
- 一 五四頁中一三行第五字「亦」，資、磧、晉、南、經、清作「譬」。
- 一 五四頁中一三行「雷電」，磧、晉、南、經、清作「電雷」。
- 一 五四頁中一四行第一一字「文」，石、資、磧、晉、南、經、清無。
- 一 五四頁中一四行末字「是」，資、磧、晉、南、經、清作「是非」。
- 一 五四頁中一五行第一一字「如」，麗作「加」。
- 一 五四頁中一七行「歡喜」，資、磧、晉、南、經、清作「歡欣」。
- 一 五四頁中一八行首字「啓」，石、資、磧、晉、南、經、清作「披」。
- 一 五四頁中一八行「聞佛諸」，資、

磧、晉、南、經、清作「聞佛說」；麗作「問佛諸」。

- 一 五四頁中一九行「開意」，石、資、磧、晉、南、經、清作「意開」。
- 一 五四頁中二一行「樓秦」，石、資作「樓秦佛」；磧、晉、南、經、清作「留秦佛」。
- 一 五四頁中二一行第一二字「持」至末行第九字「食」，石、麗作「我行學道戀閉我身憂思不食」；資、磧、晉、經、清作「我行學道戀閉我身憂思」；南作「我行學道戀閉我身憂思」。
- 一 五四頁下一行首字「此」，石、資、磧、晉、南、經、清作「是」。
- 一 五四頁下二行第九字「前」，資、磧、晉、南、經、清作「道」。
- 一 五四頁下二行第一三字「億」，磧、晉、南、經、清作「一」。
- 一 五四頁下三行第六字「散」，資、磧、晉、南、經、清、麗作「薩」。
- 一 五四頁下三行第九字「名」，石、

資、磧、晉、南、徑、清作「名號」。

一 五四頁下三行第一字「化」，麗作「華」。

一 五四頁下四行第五字「食」，資、磧、晉、南、徑、清作「服」。

一 五四頁下五行「苦勤」，晉、南、徑、清作「勤苦」。

一 五四頁下六行「歡喜」，石、資、磧、晉、南、徑、清作「歡欣」。

一 五四頁下六行第六字「八」至七行第二字「意」，石、資、磧、晉、南、徑、清無。